



MINGGU, 31 DESEMBER 2023



TATA IBADAH PARTORDING NI ACARA PARPUNGUAN BODARI UJUNG TAON 2023

TOPIK:

**DI IBANA MA HASANGAPON RO
DI SALELENG NI LELENGNA**



MINGGU, 31 DESEMBER 2023



I. PAMUHAI.

U : Huria na hinaholongan ni Tuhan Jesus Kristus, na marpungu do hita di borngin on i ma borngin na parpudi di taon 2023 on. Ndang apala sadia lelengnari tinggalhononta ma taon 2023 jala bongot ma hita tu taon na imbaru 2024. Di ujung ni taon on ringkot do marrujiruji hita marningot pardalanan naung tabolus, huhut laos songon na paulak hosa loja laho manguduti pardalananta i. Antong aha ma sisoarahononta tu Tuhanta Pardenggan basa i?



MINGGU, 31 DESEMBER 2023



I. PAMUHAI.

R : Ale Tuhannami, sai parrohai ma hami mamilangi angka ariarinami, asa dapotan roha na bisuk hami.

U : Marragam do angka na tabolus manipat di bagasan na sataon bolon on, ra atik tung sipata ganggu do rohanta marningot angka na maol di pardalanan ni ngolunta. Alai ingkon sai tongtong do golomonta, ia Tuhanta pardenggan basa i sai patupaonNa do angka na dumenggan tu hita.



MINGGU, 31 DESEMBER 2023



I. PAMUHAI.

U : DI IBANA MA HASANGAPON RO DI SALELENG
NI LELENGNA, i ma itagolom laho papos rohanta
manalpuhon taon on dohot mangeahi taon na
imbaru i. Dibahen i, rap ma hita mangendehon
sangap di goarNa i. Tapangiar soaranta lao
mamuji Tuhan i.



MINGGU, 31 DESEMBER 2023



Marende BE No. 581 : 1-3 “SANGAP DI JAHOWA”

Sangap di Jahowa na sun timbul i,
Balga ni holongNa ndang tarasam i
Dilehon AnakNa na sasada i,
Manobus hita jolma pardosa i
Puji ma Debata ale manisia,
Las roham las roham somba ma Debata
Dapothon Jahowa na sun timbul i,
Marhite AnakNa Tuhan Jesus i



MINGGU, 31 DESEMBER 2023



Marende BE No. 581 : 1-3 “SANGAP DI JAHOWA”

Tung so hasuhatan do basaNa i,
Marhite AnakNa ni lehonNa i.
MudarNa durus do di hau silang i,
Rara pe dosanta ias dibaen i.
Puji ma Debata ale manisia,
Las roham las roham somba ma Debata
Dapothon Jahowa na sun timbul i,
Marhite AnakNa Tuhan Jesus i



MINGGU, 31 DESEMBER 2023



Marende BE No. 581 : 1-3

“SANGAP DI JAHOWA”

Balga situtu pambaenMi Debata.
Tung so hasahatan holong ni rohaM.
Tu jolma pardosa asi do rohaM,
Di ungkap Ho dalan lao tu banuaM
Puji ma Debata ale manisia,
Las roham las roham somba ma Debata
Dapothon Jahowa na sun timbul i,
Marhite AnakNa Tuhan Jesus i

-----Jongjong-----



MINGGU, 31 DESEMBER 2023



Votum - Introitus - Doa:

U : Marhitehite goar ni Debata Ama, dohot goar ni AnakNa Tuhan Jesus Kristus, dohot goar ni Tondi Parbadia na tumompa langit dohot tano on. Amen. Mulak ma sogot halak angka na pinalua ni Jahowa, jala mariaia ro tu Sion; jala halalas ni roha saleleng ni lelengna diatas ulu ni nasida, dapotan hilas dohot las ni roha nasida, alai maporus ma anggo arsak dohot hoihoi ni roha. Haleluya.



MINGGU, 31 DESEMBER 2023



Votum - Introitus - Doa:

R : (Mangendehon) Haleluya, Haleluya, Haleluya!

U : Martangiang ma hita: Ale Tuhan Debata, pargogo na so hatudosan jala pardengganbasa! Ro di saleleng ni leleng na do asinirohaM. Mauliate ma rohanami tu Ho, ala di ramoti Ho hami sian nasailaon sahat tu sadarion. Hupuji hami ma Ho, ala naung sahat tu hami barita na uli nasian AnakMu, Tuhan Jesus Kristus,



MINGGU, 31 DESEMBER 2023



Votum - Introitus - Doa:

U : na pangolu hami. Mauliate hu dok hami tu Ho, ala dibagasan dame dohot hasonangan dilehon Ho hataM nabadia i. Sai asima rohaM, urupi ma hami mangulahon na nidokMu, asa hot rohanami jala tarparangehonhami parange na badia. Sai ajari jala paimbaru ma rohanami, asa lam ias hami rodi hasusuda ni bohalnami, marhite Tuhan Jesus Kristus Tuhannami. Amen.

-----Hundul-----



MINGGU, 31 DESEMBER 2023



Marende BE No. 754 : 1

“Gok Las n iroha do au”

Gok las ni roha do au di ngolungkon
Di ngolungkon di ngolungkon gok las ni roha
Do au di ngolungkon tongtong di rohangkon
Mauliate gok las ni roha maringan,
HolongMi Tuhan di au
Mauliate gok las ni roha maringan,
HolongMi Tuhan di au



MINGGU, 31 DESEMBER 2023



PATIK:

U : Tangihon hamu ma Patik ni Debata di Parpunguan Bodari Ujung ni Taon on, i ma na tarsurat di Parjamita 12:13. “Pangarimpunan ni sude poda naung itabege, on do: Habiar Debata, jala radoti angka tonana, ai i do inana siingoton ni ganup jolma..”. Ima sahatna, antong rap mangido gogo ma hita tu adopan ni Debata.

R : Ale Tuhan Debata, sai pargogoi ma hami mangulahon na hombar tu PatikMi. Amen.



MINGGU, 31 DESEMBER 2023



Marende BE No. 697: 1+4

“MOLO HO DO HUIHUTHON”

Molo Ho do huihuthon dame sonang rohangki
Sai horas jala martua nasa na hinophopMi.
Ho tongtong ihuthononku, Jesus na palua au.
Ho sambing do oloanhu ala ni martua au



MINGGU, 31 DESEMBER 2023



Marende BE No. 697: 1+4

“MOLO HO DO HUIHUTHON”

Marparange na badia, ma au di adopanMi,
Sai patau ma au tiruan, songon pinangidoMi.
Ho tongtong ihuthononku, Jesus na palua au.
Ho sambing do oloanhu ala ni martua au.

-----Jongjong-----



MINGGU, 31 DESEMBER 2023



MANOPOTI DOSA DOHOT BAGABAGA

Uluan : Ale Tuhan Debata parasiroha na sumurung. Ro do hami tujoloM manopoti saluhut dosanami na godang i. Nunga hubolus hami sada taon di ngolunami manipat na sataon bolon on. Asi ma rohaM sesa ma sude dosanami. Tarlumobi ma di Taon 2023 na digoari induk ni huriaMa, Taon Profesionalisme, molo tung pe ndang gabe parhalado nang ruas ni huria na professional hami di huriaM, molo tung pe ndang gabe Ama manang Ina nang naposo



MINGGU, 31 DESEMBER 2023



MANOPOTI DOSA DOHOT BAGABAGA

Uluan : naso professional hami di ulaonnami, di keluarganami, asi ma rohaM sai paimbaru ma ngolunami.

Ama : Molo hupaingotingot hami dosanami na sataon bolon on, hira gumodang do i marpardomuan tu parsiaduon mangalului arta, sinamot, hamoraon, jabatan, kedudukan, pangkat; ndang merasa puas hami di naung huparnampunahon hami. Tamba ni i,



MINGGU, 31 DESEMBER 2023



MANOPOTI DOSA DOHOT BAGABAGA

Ama : huparhatopot hami do pangela-ela ni hagirot ni dagingnami, mura hami tarrimas huhut pingkal ateate maradophon dongan saripe dohot ianakhon, gabe jotjot tubu parbadaan. Ndang huajari hami angka ianakhonnami di hataM dohot podaM; gabe godang nasida na manuntun lomo, tarelaela di angka hasomalan na manegai tondina. Apala di ujung ni taon on ma hami ro marsomba tu joloM, asi rohaM di hami Tuhan.



MINGGU, 31 DESEMBER 2023



MANOPOTI DOSA DOHOT BAGABAGA

Ina : Jotjot do hami tarelaela tu angka haulion ni potibion; mangapian jala mangiburu do hami tu dongannami uju huida hami lam tu denggan na ekonomi, ulaonni dongannami, suang songoni uju denggan ianakkonni ni dongannami. Asi ma rohaM di hami. Unang loas hami na sai tongtong di ela-ela Portibion gabe tading angka ulaon na rumingkot; marungutungut hami na manghorhon dosa. Humurang do hami mamodai ianakhonnami,



MINGGU, 31 DESEMBER 2023



MANOPOTI DOSA DOHOT BAGABAGA

Ina : gabe adong sian nasida na tarjorat tu narkoba, parjujion, kumpul kebo, manangko dohot ulaon na so patut. Di ujung ni taon 2023 on ma hami jongjong manopoti saluhutna tu joloM ale Tuhan, asi rohaM di hami.

Naposo : Kami juga menyadari betapa banyaknya dosa-dosa kami ya Tuhan; kami tidak mempersiapkan masa depan kami dengan sebaik-baiknya dan seturut dengan FirmanMu.



MINGGU, 31 DESEMBER 2023



MANOPOTI DOSA DOHOT BAGABAGA

Naposo : Kami tidak siap menghadapi menghadapi zaman yang semakin canggih; kami terlalu asyik mengejar ilmu pengetahuan, tapi tidak seimbang dengan hidup rohani yang baik; kami asyik memainkan komputer, video game, suka nongkrong berjam-jam di supermarket atau mal, asyik ngerumpi di jalan-jalan. Beberapa jam lagi menjelang berakhirnya tahun 2023 ini kami berdiri di hadapanMu Tuhan, memohon supaya dosa-dosa masa muda kami Engkau hapuskan;



MINGGU, 31 DESEMBER 2023



MANOPOTI DOSA DOHOT BAGABAGA

Naposo : pulihkan kami menjadi orang yang benar; kami berjanji bahwa di tahun 2024 dan seterusnya kami akan memperbaharui diri kami. Tekad dan kerinduan kami, bahwa hari esok harus lebih baik dari hari ini. Tuhan kasihanilah kami.

Huria : Sai asi ma rohaM di hami Ale Tuhan, dohot di angka ianakhonnami. Tung sesa ma dosanami i sude.



MINGGU, 31 DESEMBER 2023



MANOPOTI DOSA DOHOT BAGABAGA

Uluan : Hata ni Debata taringot tu hasesaan ni Dosanta: Songon on do hata ni Tuhan Jahowa: nunga diarsahi ho Ahu marhite sian angka dosam, jala nunga dilojai ho ahu mahite sian angka hajahatonmu. Ahu tutu, Ahu sandiri manalesei angka pangalaosiM ala ni hadirionKu, jala ndang be hupaingotingot angka dosam. Hasangapon ma di Debata di ginjang.

Huria : Amen.....

----Hundul----



MINGGU, 31 DESEMBER 2023



Marende BE No. 453: 3

“SADA GOAR NA UMULI”

Sipalua do goarMu, saut malua tondingki.
Nasa rante ni sibolis ingkon sega baenon nii.
GoarMi, Tuhanki, holan i do endengki,
GoarMi Jesuski do pamalum rohangki.



MINGGU, 31 DESEMBER 2023



Epistel:

U : Tabege ma Hata ni Debata turpuk Epistel di Parpunguan Bodari Ujung taon on, i ma na tarsurat di **5 Musa 31:7-8**, “Dung i dijou si Musa ma si Josua, jala ninna ma tu ibana di adopan ni sandok Israel: Pir ma tondim jala marsihohot, ai sahat ma anggo ho rap dohot bangso on masuk tu tano naung niuarihon ni Jahowa tu ompunasida, naeng lehononna tu nasida, jala ho do marsagihonsa tu nasida bahen partalianna.



MINGGU, 31 DESEMBER 2023



Epistel:

R : Ai Jahowa sandiri mardalan di adopanmu, Ibana mandongani ho; ndang tagamon marsombusombu Ibana mida ho, manang tadingkononna ho; unang ho tahuton jala unang ho godoron!

U : I do sahatna: Martua do angka na tumangihon Hata ni Debata jala na umpeopsa. Amen.



MINGGU, 31 DESEMBER 2023



Marende BE No. 186 : 1+3

“TONGTONG TUTU NA DENGAN DO”



Jahowa do haposanki,
na mangapoi rohangku
Na patiurhon dalanki,
bulus dibaen langkangku
Sonang tongtong rohangkinon,
binaen ni Debatangku
PatikNa do lomongku



MINGGU, 31 DESEMBER 2023



Marende BE No. 186 : 1+3

“TONGTONG TUTU NA DENGAN DO”



Ndang dung dihalupahon Ho,

sude na holong roha

Di Ho, ai sai dapotsa do,

na tau apulapulna

Tung sonang do dibahen Ho,

na sai tongtong porsea

Malua sian jea

-----Jongjong-----



MINGGU, 31 DESEMBER 2023



MANGHATINDANGHON HAPORSEAON

U : Tahatindanghon ma haporseaonta i, songon
na hinatindanghon ni donganta sahaporseaon di
sandok portibi on. Rap ma hita mandok:

R : Ahu Porsea.....

-----Hundul-----



MINGGU, 31 DESEMBER 2023



Marende BE. No. 758 : 1

“JAHOWA PANGURUPI”



Jahowa pangurupi disi ulaonmi.
Dilehon pos ni roha di ganup tingki i,
Nang pe sipata ganggu haporseaonmi
Jamot tongtong Tuhanmu manjaga ngolumi.



MINGGU, 31 DESEMBER 2023



**BARITA JUJUR TAON dohot BARITA
PARHEPENGON; Tangiang Pangondianon**



MINGGU, 31 DESEMBER 2023



Mandok Hata :

- a. Utusan Ruas Ama**
- b. Utusan Ruas Ina**
- c. Utusan Ruas Parhalado**



MINGGU, 31 DESEMBER 2023



Marende BE No. 238 : 1--

“IHUTHON AU SUDE HAMU” (*Pelean Ia, Ib*)



Ihuthon Au sude hamu, didok Tuhanta Jesus
Sai soadahon dirimu, hatangku ma patulus
Alai bolongkon ma sude, parulanmu na so ture

Sai Au panondang di hamu, di dalan hangoluan
Naeng unang lilu be hamu, dao dohot hamagoan
Au parhitean di hamu, tu hasonangan situtu



MINGGU, 31 DESEMBER 2023



Marende BE No. 238 : 1--

“IHUTHON AU SUDE HAMU” (*Pelean Ia, Ib*)



Hupatuduhon di hamu, sipasidingonmuna; Sude geduk ni rohamu, sipaubakonmuna; Ai naeng ias ma tondimu, di na lao suda bohalmu.

Na serep roha do Au on, huhut holong rohangKu
Lambok rohangKu ai tongtong, na lambok do
hatangKu; Tongtong hutatap Debata, i pe Au on
ihuthon ma.



MINGGU, 31 DESEMBER 2023



Khotbah : Heber 13 :20-21

20. Alai Debata Sipardame i, na manogihon sian angka na mate Siparmahan bolon ni angka birubiru i, marhitehite mudar ni padan sisalelenglelengna i, i ma Tuhanta Jesus;

21. Ibana ma patauhon hamu di nasa ulaon na denggan, mangulahon lomo ni rohana, ai dipatupa do di bagasan hamu na tau lomo ni rohana marhitehite Jesus Kristus! Di Ibana ma hasangapon i ro di salelenglelengna! Amen



MINGGU, 31 DESEMBER 2023



Marende BE No. 467 : 1....

“ASI NI ROHAM HUPUJI”

(Pelean na marboho tu Dana Pensiun HKBP)



Asi ni rohaM hupuji ala Ho manobus au.

Dipaia Ho rohangku, gabe soranganMu au.

IngananMu rohanami, TondiMi manggohi i.

Pangke dohot ngolunami gabe ulaulaMi.



MINGGU, 31 DESEMBER 2023



Marende BE No. 467 : 1....

“ASI NI ROHAM HUPUJI”

(Pelean na marboho tu Dana Pensiun HKBP)



Sai ramoti ma rohangku, asa boi gohanMu au.
Sai mabaor ma pasupasu, nang marhite sian au.
IngananMu rohanami, TondiMi manggohi i.
Pangke dohot ngolunami gabe ulaulaMi.



MINGGU, 31 DESEMBER 2023



Marende BE No. 467 : 1....

“ASI NI ROHAM HUPUJI”

(Pelean na marboho tu Dana Pensiun HKBP)



Naeng huhatindangkon hami,
hagogoonMi tongtong,
Paluahon na mardosa, nang parjahat na bolong.
IngananMu rohanami, TondiMi manggohi i.
Pangke dohot ngolunami gabe ulaulaMi.



MINGGU, 31 DESEMBER 2023



Marende BE No. 467 : 1....

“ASI NI ROHAM HUPUJI”

(Pelean na marboho tu Dana Pensiun HKBP)



Sai papulik rohanami, gabe pangoloi di Ho.
Asa marsahala hami, lao mangkatindangkon Ho.
IngananMu rohanami, TondiMi manggohi i.
Pangke dohot ngolunami gabe ulaulaMi.



MINGGU, 31 DESEMBER 2023



PANGUJUNGI: *(Jongjong)*

U : Nunga tabege Hata ni Debata na pasintonghon tu hita bagabagaNa na denggan i, asa boanonNa hita mulak hombar tu sangkapNa. Sangkap hasonangan do tahe sangkap ni Debata dompak hita, ndada tu hamagoan. Disi ma lehononNa angka na hinalungunhon ni rohanta. Na marsalpuan do saluhutna na di tano on, ai songon duhutduhut do nasa daging, songon bunga ni duhutduhut i do saluhut hasangaponna. Alai na hot do bagabaga ni Debata,



MINGGU, 31 DESEMBER 2023



PANGUJUNGI: (*Jongjong*)

U : laos Ibana do naung mandok: Molo joujou hamu, huhut laho hamu martangiang tu Ahu, gabe tangihononHu ma hamu. Tapeop ma bagabaga ni Tuhan i laho borhat mangalangkahon langkanta tu taon na imbaru 2024 na ro on.

R : Ale Tuhan Debata, na pos situtu do rohangku, urupanMu ma ahu laho manguduti pardalanan ni ngolungku ganup ari. BagabagaM ma na sai huhaposi di ngolungku.



MINGGU, 31 DESEMBER 2023



PANGUJUNGI: *(Jongjong)*

U : Kristus do Tuhan naung ro tu portibi on na sinuru ni Debata Ama laho pasauthon sangkap hatuaon dohot haluaon na sian Debata. Nunga saut dipalua Jesus hita sian haholomon, jala diboan hita tu hatiuron hombar tu bagabagaNa i. Antong Raphon Tuhan Jesus i ma taula siulaonta. Borhat ma hita mandalani taon na imbaru 2024 di bagasan las ni roha.



MINGGU, 31 DESEMBER 2023



PANGUJUNGI: (*Jongjong*)

R : (Mangendehon) BE No. 309 : 3

“RAPHON TUHAN JESUS I”

Molo Jesus donganmi ndang tarbaen ho mago

Nang bisuk sibolis i, Jesus do gumogo

Asal dihaposi ho Jesus i, Tuhanmu

Ingkon sai maporus do na niarsakhonmu.

U : Tatangiang pelean + Agenda + Ale Amanami +
Pasupasu

R : (Mangendehon) Amen, Amen, Amen.



MINGGU, 31 DESEMBER 2023



**Praeses HKBP Distrik XVIII Jabartengdiy,
Parhobas Distrik,
dohot
Sude Pelayan Full Time
HKBP Distrik XVIII Jabartengdiy
Pasahathon :**

“SELAMAT MENYAMBUT TAHUN BARU 2024”

**Tu
Sude Parhalado
dohot Ruas ni HKBP Sa-Distrik XVIII Jabartengdiy.**